



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symmvla Caietani

Cajetan, Thomas

Antverpiae, 1575

Repræsalia species est belli particularis: & in ea potest freque[n]ter
iniquitas co[m]mitti.

urn:nbn:de:hbz:466:1-41716

468 Religiosorum peccata.

*Religiosi communiter solent in tribus
offendere & peccare.*

Religiosorum peccata specialia sunt in triplici differentia. Nam quædam sunt communia religiosi & clericis: quæ vide in verbo, clericus. Quædam sunt communia omnibus religiosi, vel ex tribus votis communibus omni religioso (vt sunt vota castitatis, paupertatis, & obedientiæ) vel ex sacris canonibus concernentibus specialiter religiosos: vt quæ sunt in Cle. religiosi. de ptiuile. videlicet. Quibus etiã (.s. religiosi) in virtute sanctæ obedientiæ & sub interminatione maledictionis æternæ districtius inhibemus, ne in sermonibus suis ecclesiarũ prælati detrahant, aut etiam retrahant laicos ab ecclesiarum suarum frequentia vel accessu, seu indulgẽtias pronũtiet indiscreras: neve quum confectionibus testamentorũ intereunt à restitutionibus debitis aut legatis matricibus Ecclesiis faciendis retrahãt testatores: nec legata vel debita aut malè ablata incerta, sibi aut aliis singularibus sui ordinis fratribus, vel conuentibus in aliorum præiudiciũ fieri seu erogari procurẽt. Nec etiã in casibus sedi Apostolicæ aut locorũ ordinariis reseruatis quenquam absoluere, aut personas Ecclesiasticas præsertim corã iudicibus delegatis à nobis suã contra eos iustitiam prosequentes vexare indebitè, aut ad loca plura & præsertim multũ remota conuenire præsumant. Multa quoque recitata sunt superius in tractatu de excommunicatione, quæ sunt sub excommunicationis latæ sententiæ pœna religiosi specialiter inhibita. Quædam verò sunt propria istis religiosi ex propria sibi regula aut constitutionibus, & hæc quilibet de seipso sciat.

*Repræsalia species est belli particularis: &
in ea potest frequẽter iniquitas cõmitti.*

Repræs.

Repræsaliarum. 469

Repræsaliarum iniquitas frequens fortè est, vel quia iniustæ decernuntur, utpotè non propter constitutam culpam præsentium negligentium facere iustitiam. Nam si non constet illos puta Florentinos culpabiles esse negligendo facere iustitiam populo Romano creditori Florentiæ, iniquæ essent repræsaliæ à Romanis contra Florentinos: sicut esset iniustum bellum contra Florentinos sine culpa communicatis propter culpam alicuius particularis civis. Repræsalia enim est species belli particularis. Contingit quoque iniquitatem in executione intervenire, vel in quantitate plus exigendo: vel in qualitate clericorum res accipiendo, clerici enim intelliguntur exempti à repræsaliis: vel in substantia, ut si facerent repræsalias non solum res sed personas accipiendo: quia in persona nec pater portat iniquitatem filii, nec filius patris.

Capita octo sunt in materia restitutionis consideranda.

Restitutio confessoribus sæpe occurrit discutenda, & necessaria est (quia non remittitur peccatum nisi restituatur ablatum) nec facilè potest quilibet discernere casus eius multos, & ex multis capitibus contingentes, ideò diffusiore opus est doctrina. Sunt igitur octo capita in restitutione consideranda, scilicet quis, quid, quantum, ubi quando, quomodo, & quo ordine.

Restitutionis faciendæ duplex est ratio.

Caput primum est quis tenetur ad restitutionem. Et quantum ad hoc notandæ sunt duæ radices restitutionis omnis. scilicet acceptio, & res: ita quod omnis restitutio aut est debita ratione acceptionis præcedentis, aut ratione rei acceptæ. Et extenditur hic acceptionis & accepti nomen ad omnem actionem qua